

安瀉

志祐

臨

光緒七年  
錢塘丁  
氏校刊

四庫未收書目提要

阮元撰進

淳祐臨安志六卷

宋施諤撰按兩浙古志北宋圖經久已無考至南宋建爲行都其志乘傳於今者則有周淙乾道志潛說友咸淳志二種已經四庫全書採錄此志從宋刻殘本影寫僅存五卷至十卷無序目可稽觀書中敘錄皆至淳祐間府尹趙與憲而止其爲施諤所撰淳祐志無疑所存惟城府山川二門前有總論一篇異於他志其敘城府一首城社次官宇次舊治古蹟次今治續建

淳祐臨安志提要

一

爲第五卷城府二首學校次樓觀次園館次廡隅次軍營爲第六卷城府三首坊巷次界分次橋梁次倉場庫務次館驛爲第七卷敘山川一首城內諸山次城南諸山次城西諸山次亭館次古蹟爲第八卷山川二首城東諸山次城內外諸嶺次諸洞次諸石次諸隄次峪衝關爲第九卷山川三首江次湖次河渠次水閘爲第十卷諸門皆爲咸淳志所本而各條下引載前賢題詠詩文則互有詳畧此與乾道咸淳二志備載南宋數朝掌故藉補史傳之遺皆未可以殘

缺廢也

淳祐臨安志提要

二

臨安志卷第五

城府

自古圖謀所載郡國必繫之於山蓋陵谷之遷變不常而城邑之更易亦異山則終古表立而考論輿地者恃以爲識焉錢唐舊治武林山猶云逼江則今之湖固與江通也華信作塘乃徙平地則已漸爲陸矣若沙河漾沙坑與所謂灞頭之類皆古水所及也隋代始州於柳浦西依山築城嘗慨然求所謂柳浦者已不可考而依山所築則今之鳳凰山也前治武林山後治鳳凰山兩山之間昔水今陸豈非天所以啟

清祐臨安志卷五

一

神明之隩乎厥今商邑翼翼四方之極巍巍煌煌不可尙己抑嘗聞長安之都八街九陌相爲經緯中爲馳道無得輒行而左右升降有上下之別是知壯麗以重威矣亦知京兆爲郡國首矣然馬廖歷舉高結大袖之謠以爲雖或吏不奉法良由慢起京師周良有言尙方今造一物小民明已瞬睨宮中朝製一衣庶家晚已裁學然則所謂爲四方極爲郡國首者要必有在而天造地設以成

神皋盛大之勢已非一時一世所積又如是其不易然也故具論之敘城府第三



城社

古州域隋楊素紉周回三十六里九十步據九域志

城東門

便門

候潮門

保安門

舊名小堰門

新門

崇新門

俗呼薦橋門

東青門

俗呼菜市門

艮山門

淳祐臨安志卷五

二

城西門

錢湖門

清波門

俗呼暗門

豐豫門

舊名湧金門

錢塘門

城南門

嘉會門

舊名利涉門

城北門

餘杭門

俗呼北關門

城內

水門

朝天門

今為雙闕無門闕蓋自錢氏舊有此門

東

保安門

南水門

北水門

北

天宗門

餘杭門

按五代周景福二年錢鏐發民夫二十萬及

淳祐臨安志卷五

三

十三都軍士築杭州羅城周七十里南門曰龍山東門曰竹車南土北土保德北門曰北關西門曰涵水西關城中又有門曰朝天門曰炭橋新門曰鹽橋門今廢土人猶以門稱焉

社壇

舊在嘉會門內今徙于城西一里小昭慶寺側

官宇

府治

舊在鳳凰山之右自唐為治所

見郡守白公居易詩云餘杭形勝四

方無州傍青山縣枕湖遶郭荷花三十里拂城松  
樹一干株又自湖上歸入錢塘門經由萬松嶺還  
州治詩云半醉閒行湖岸東馬鞭敲鐙轡龍璫萬  
株松樹青山上十里沙隄明月樓角漸移當路  
影潮頭欲過滿江風歸時未放笙歌散畫戟門開  
蠟燭紅欲過滿江風歸時未放笙歌散畫戟門開  
及宋錢唐今劉道真記云昔一境逼近江流縣在  
靈山下至今劉道真記云昔一境逼近江流縣在  
華信作塘成乃遷此地為錢塘縣不知所遷在何  
地大概今之城邑皆古來斥鹵所及舊傳湖與江  
通可以想見而治所在武林上無疑也舊志不載  
鳳山治所起自何年自陳始建郡據隋志開皇中  
移州居錢塘城復移州于柳浦西依山築城即今  
郡是也豈即鳳山之治乎自唐以來實治鳳山錢  
氏所居特子城南曰通越門北曰雙門吳越錢氏  
因之爾

舊造 國朝至和元年郡守資政殿學士給事中

孫公沔重建樞密直學士蔡公襄撰紀并書刻石

淳祐臨安志卷五

四

于門之右 記曰杭中二浙為大州提支郡數十而  
來俗用不一自錢氏專有吳越治兵蓄財日為戰  
守政出臨時朝廷除刺史以來蓋八十年其風  
流治迹有足稱者要之起廢弊變繇習斯亦難矣  
至和元年資政殿學士給事中孫公自樞密副使  
來撫是邦六月視事曰此吾故鄉也敢易治之  
里之稅歲糜中產餘二十家為之籍其地而出其  
資市賈謾欺取子不均為之正衡量而一之富黠  
倚強蝕貧誅利為之索其黨而逐之盜俠閉藏出  
沒無常為之恨株而去之俗尚浮屠歸施無節嚴  
以約束婦人女子絜廉其行寵以衣珥高年舊德  
或復諏訪數月之閒所部近遠莫不竦動迎向公  
訓公知眾之已悅也隨所譬喻勉之於善秋八月  
語其僚曰諸侯臺門以高為貴蓋以尊善天子所  
命而示等威也昔錢氏依山阜以鐵用為治所而  
置統平聖祖嫌名上一字木錮金鐵用為敵備今方  
內屬陳兵校會州之士民即門內張次班列而布  
宣之門圯而地狹又非禮制豈所以重方面之體

乎吾將易而新之即以其說謀之轉運使資以羨  
錢又詢之於民良家大姓願以力助於是商其用  
而裁取之凡金地竹木之材必可其直墜陶蓋梓  
之工必當其庸十一月甲戌興作明年五月訖工  
旬有五曰王申合樂燕飲以落之至於下邑旁郡  
攜扶老稚聞溢郭郭相與觀聽指是巍然者曰上  
之命合由是而出下之情僞由是而入一有不誠  
重為門蓋吾屬戒焉是年襄出刺清源州人遮余  
而言曰我公之為治固有聞於執事矣始者革弊  
屏惡人畏其明已而附養鰥寡教勅子弟及其治  
成井市童兒不收落錢田豐海熟人得其職公作  
雙門我實與之公歸有時我思無窮願為紀所作  
之始而刻之石庶幾傳之子孫益遠而不忘初公定  
邕廣大寇還請泣杭上以其能遜而不忘初公定  
召升宥密未幾以直議不能與眾合遂伸前請至  
則勵精夙夜不以宴息自處其進退忠義之節與  
所施為若干里之績固不足書然州人過余再三  
稱頌慙慙不書無以慰其志九月二十日樞密直  
學士起居舍人新授知泉州軍州事莆陽蔡襄記  
按子城二門即今大內麗正和寧門所增築者

淳祐臨安志卷五

五

府治舊基當在今殿司衙等處以白  
公諸詩及南渡前諸詩可見矣

建炎四年

翠華駐蹕徙治于清波門北以奉國尼寺即淨故

基創建

舊治古蹟

虛白堂

祥符舊經云在郡治唐長慶中刺史白公居易

有詩刻石堂上

詩曰平旦起視事亭午臥掩關除親簿領外多在琴書前況有

虛白亭坐見海門山潮來一憑檻賓至一開筵終朝對雲水有時聽管絃持此聊過日非忙亦非閒山林太寂寞朝闕空喧煩惟茲郡閣內靜得中間虛白堂前衙退後更無一事到中



心移床就日簷間臥臥詠閒詩側枕琴又花  
樓望雪詩有云偷將虛白堂前鶴失卻樟亭驛  
後梅按虛白堂牡丹及紫薇兩本皆傳白太  
傅手植故羅隱牡丹詩云莫背欄杆便相笑與  
君俱受主人恩蘇公軾有虛白堂紫薇花詩  
按此詩言郡閣內則在郡圃甚明而冷泉亭記  
所載相里尹造虛白亭豈更有此名乎白公  
又留題郡齋吟山歌水嘲風月便是三年任滿  
時春為醉眠多閉閣秋因晴望暫褰帷更無一  
事移風俗惟化州民解咏詩又郡中即事漫  
漫潮初平熙熙春日空闊遠江山晴明好天  
氣外有適意物中無繫心事數篇對竹吟一杯  
望雲醉行移杖扶力臥讀書取睡久養病形骸  
深閭閒氣味遙思九城陌擾擾趨名利今朝是  
隻日朝謁多軒騎寵者防悔尤權者懷憂畏為  
報高蓋車恐非真富貴又詩三年為刺史無  
政在人口唯向郡城中題詩十餘首慙非甘棠  
詠豈有思人否三年為刺史飲水復食粢唯向  
天竺山所得兩片石此  
抵直千金無乃傷清白

淳祐臨安志卷五

中和堂

建炎三年四月壬戌

光堯太上皇帝來登斯堂遠矚稽山思夏后之  
功俯瞰濤江懷子胥之烈

御製古詩一首六龍轉淮海萬騎臨吳津王者  
本無外駕言蘇遠民瞻彼草木秀感此瘡痍新  
登堂望稽山懷哉夏禹勤神功既盛大後世蒙  
其仁願同越句踐焦思先吾身艱難務遵養聖  
賢有屈伸高風動君子屬意種蠡臣又  
御書謂斯堂偉特之觀無愧上都薰風南來我

意雖快願與庶人共之後改爲偉觀堂先是錢

武肅王建閱禮堂至和三年郡守孫公沔改建

棟宇宏麗輪奐一新始更名爲中和前賢題詠

最著郡守趙公抃詩老來重守鳳凰城千里人

虛名郡守陳公襄有中和堂木芙蓉盛開戲

呈子瞻詩千株寒葉正疎黃占得珍叢第一芳

容易便開三百朶此心應不畏秋霜通判蘇公

軾和云千林掃作一番黃只有芙蓉獨自芳喚

作拒霜知未稱細思卻是最宜霜蘇公軾送

劉寺丞詩有云中和堂後石楠樹與君對床聽

夜雨玉笙哀怨不逢人但見香煙橫碧縷云云

劉景文季孫陪東坡中和堂賞月中和堂上

月盛夏似高秋天瀉銀河水人披紫綺裘氣飄

間赤壁語勝踴黃樓東波誦赤壁二賦徐州集

十數詩歸袂接天子適從何處游

### 有美堂

### 淳祐臨安志卷五

舊在郡城吳山嘉祐二年龍圖閣直學士梅公

摯出守杭州

仁宗皇帝賜詩寵行云地有湖山美東南第一

州剖符宣政化持橐輟才流暫出論思列遙分

旰仄憂循良勤撫俗來暮聽歡謳摯乃取詩之

首章作堂而名之曰有美歐陽公修爲記蔡公

襄書記曰嘉祐二年龍圖閣直學士尚書吏部

郎中梅公出守餘杭於其行也天子寵

之以詩於是作有美之堂蓋取賜詩之首章而

名之以詩於是作有美之堂蓋取賜詩之首章而

至美與其樂有不得而兼焉者多矣故窮山水  
登臨之美者必之乎寬間之野寂寞之鄉而後  
得焉覽人物之盛麗夸都邑之雄富者必據乎  
四達之衝舟車之會而後足焉蓋彼放心于物  
外而此娛意于繁華二者各有適焉然其為樂  
不得而兼也今夫所謂羅浮天台衡嶽廬阜洞  
庭之廣三峽之險號為東南奇偉秀絕者乃皆  
在於下州小邑僻陋之邦此幽潛之士窮愁放  
逐之臣之所樂也若乃四方之所能兼有山水  
交物盛人之眾為一都會而又能兼有山水之  
以資富貴之眾者惟金陵錢塘然二邦皆借竊  
於亂世及之聖宋受命海內為一金陵錢塘以  
見誅今其江山雖在而頽垣廢址荒煙野草過  
而覽之莫不為之躊躇而悽愴獨錢塘自五代  
時知尊中國効臣順及其亡也頓首請命不煩  
干戈今其民幸富足安樂又其俗習工巧邑屋  
華麗蓋十餘萬家環以湖山左右映帶而閩商  
海賈風帆浪舶出入于江濤浩渺煙雲杳靄之  
間可謂盛矣而帥是邦者必皆朝廷公卿大臣  
若天子之侍從又有四方游士為朝廷公卿大臣

淳祐臨安志卷五

占形勝治亭榭相與極游覽之娛然其於所取  
有得于此者必有移于彼獨所謂有美堂者山  
水登臨之美人物邑居之繁一寓目而盡得之  
蓋錢塘兼有天下之美而斯堂者又盡得錢塘  
之美焉宜乎公之甚愛而難忘也梅公清謹好  
學君子也視其所好可以知其人也馬公清謹  
丁亥廬陵歐陽修記蔡襄書摯又賦五言詩六  
篇皆以有美堂新建為篇首蘇公軾與太守  
陳公襄自有美堂新夜歸詩云娟娟雲月稍侵  
澌澌星河半隱山魚鑰未收清夜永鳳簫猶在  
翠微間淒風瑟縮絃柱香霧淒迷著髻鬢共  
喜使君能鼓樂萬人齊看火城還雲撥不開天  
暴雨詩游人腳底一聲雷滿坐頑雲分澌灑金  
樽凸干杖敲鏗錫鼓吹喚起謫仙泉灑面倒傾  
皎室瀉瓊瑰又正月九日有美堂飲醉歸徑  
睡起得鮮于子駿所寄古意作雜興一首答之  
眾人事紛擾志士獨悄悄何異琵琶絃常遭腰  
鼓鬧三杯忘萬慮醒後還皎皎有琵琶絃常遭  
脫重縈繞家萬人慮醒後還皎皎有琵琶絃常遭

先放蕩今誰弔平生嗜羊炙識味肯輕飽烹蛇  
啖蛙蛤頗訝能稍稍憂來自不寐起視天漢渺  
欄杆玉繩低耿耿太白曉又九日舟中望見  
有美堂上魯少卿飲處以詩戲之指點雲間數  
點紅笙歌正擁紫髯翁誰知愛酒龍山客卻在  
漁舟一葉中西閣珠簾捲落暉水沈煙斷佩聲  
歸遙知通德淒涼甚擁髻無言怨未  
按有美堂  
錢氏初建江湖亭于此當在吳山最高處左江  
右湖故爲登覽之勝而前賢題咏如此東坡詩  
言自舟中望見堂上燕集此必西湖舟中也舊  
經言在郡城又可以見古城界於吳山矣淳祐  
六年府尹趙公與憲獲古刻小碑于山巔太歲  
殿之側卽

淳祐臨安志卷五

九

仁宗御賜梅公詩也由是此堂故址益顯著云

清暑堂

治平三年郡守蔡公襄建在州治左撰堂記及  
書刻石堂上記曰京師東南千里入吳越杭於  
吳爲一大都會其地傾而屬海又  
多陂池以故善溼方春夏時梅雨蒸鬱礎甃皆  
汗披織衣覆大厦猶鼻息奄奄不得曠快非有  
高明之居易以禦之於是清暑之堂作焉清暑  
負州廡之左直海門之衝其風遠來灑然薄人  
日以決事佚而忘勞至者莫不悅之或曰昔者  
召伯將營召以居重愛民力暴處遠野廬于甘  
棠之下而聽斷焉百姓思之作甘棠之詩以美  
其事今斯堂也度面勢偈崇宇前有江海浩蕩  
無窮之勝潮濤蚤莫以時上下奔騰洶湧蔽映  
日月雷震鼓駭方輿動搖浮商大舶往來聚散  
乎其中朝霞夕景不續而彩翠旁走羣山濱山  
而湖崖慊瀾漫并包鉅澤巖岫舉碑坡乎河漢

之上蒼烟白雲少頃萬變茂林香草冬榮不彫  
此所以娛君之視聽也及夫夏日比室煩燠方  
且披軒闥據高涼放浪于無何翺翔于至極蕭  
然而自適或賓友環次鳴管榭瑟醜酒均餽歌  
呼與昔人廬于遠野者異哉余謂之日惟人之  
不與昔人廬于遠野者異哉余謂之日惟人之  
情不得其適則荒然余于是堂也愈吾疾亦於  
是休吾心焉體康志寧然後究民之愈不至而教  
之度民之所有而用之去其所不願就其所便  
安如得其平於為惠也亦大矣乘其閒也燕賓  
友接和好是亦為政也且召伯之治或失其平  
雖木棲露寢民莫之思甘棠之政後世仰而慕  
之甘棠之芟不可常也遂以其說為清暑堂記  
治平三年九月十八日端明殿學士尚書禮部  
侍郎知軍州事  
蔡襄撰并書

右中和有美清暑三堂今皆重建于府治

### 因巖亭

#### 清祐撫安志卷五

十

唐時郡治有此亭見白公詩

箕穎人窮獨蓬壺路阻艱何如兼吏

隱復得事躋攀巖樹羅階下江雲貯棟間似移  
天目石疑入武邱山清暑徒堪賞皇恩肯放閒  
遙知興未足即彼詔催還

### 忘筌亭

唐時郡治有此亭見白公詩

翠巘公門對朱軒野逕連只開新戶

曠不改舊風煙空室閑生白高清淡入元酒容  
同坐勸詩借屬城傳自笑滄江畔遙思絳帳前  
庭臺隨事有爭敢比忘筌

### 碧波亭

晏公殊輿地志云在舊治子城北門外五代史  
載錢氏大閱兵於碧波亭亭階臨水面闊數丈

元豐中郡守張公銑重建

南園巽亭

慶厯三年郡守蔣公堂於舊治之東南建巽亭以對江山之勝蘇滄浪舜欽題巽亭詩云公自登臨闢草萊赫然危締壓崔巍涼翻簾幌潮聲過清入琴樽雨氣來疇昔登臨何處好生年懷抱此中開東南地本多幽勝此向東南特壯哉崇寧中蔣公之奇作詩紀之胡公宿詩亦云武林天下奇巽亭境中絕

介亭

在舊治後聖果寺熙寧中郡守祖公無擇對排衙石作介亭左江右湖最為絕景詳具鳳凰山

清風亭

在舊治中和堂之側直望海門

淳祐臨安志卷五

十一

曲水亭

治平中郡守沈公邁建

望越亭

慶厯中蔣公堂建政和初郡守張公閣遷巽亭于此陳希元望越亭詩云樹樹西風葉葉秋誰家煙火起滄洲乘閒不耐無機性擬動漁

翁直鈞鈞

右諸亭皆廢惟介亭存

高齋

按唐嚴郡守維有九日登高遲客高齋瞰浙江

之句始知唐時郡齋有此名

嚴維詩九日登高云詩家九日憐芳

菊遲容高齋瞰浙江魚浦浪花搖素壁西陵樹色入秋窗木奴向熟懸金實桑落新開瀉玉缸四子醉時爭講德笑論黃霸屈為邦又按葉夢得錄話云錢塘州

宅之東清暑堂之後舊據城闌橫為屋五間下

瞰虛白堂不甚高大而最超出州宅及園圃之

中故為州者多居之謂之高齋趙清獻公既歸

老治第衢州臨大溪其傍亦有山麓屹然而起

即作別館其上亦名高齋既歸惟居此館不復

與家人相接云按高齋之名因公愈著于天下然葉石林敘所因亦不知為起

於唐也豈未見嚴維詩故耶

淳祐臨安志卷五

三

東樓

一名望海樓在舊治中和堂之北太平寰宇記

名望潮樓在錢塘縣南一十三里樓高一十丈

唐武德七年置白文公居易詩初領郡政衙退登東樓作鰲惇心所念簡牘手

自操何言符竹貴未免州縣勞賴是餘杭郡臺

謝遶官曹凌晨親政事向晚恣遊遨山冷微有

雪波平未生濤水心如鏡面十里無纖毫直下

江最闊近東樓更高煩襟與滯念一望皆遁逃

晴沙濤聲夜入伍胥廟柳色春藏蘇小家紅袖

織綾誇柿蒂杭州出柿蒂花者為佳青旗沽酒

趁梨花酒趁梨花而熟號梨花春誰開湖寺西

南路草綠裙腰一道斜孤山寺路在湖洲中草

綠時望如裙帶重題別東樓云東樓勝事我

偏知氣象多隨昏旦移湖卷衣裳白重疊山張

屏障綠參差海仙樓塔晴方出江女笙簫夜始

吹春雨星攢尋蟹火秋風霞颭弄濤旗餘抗風  
俗每寒食雨後涼家持獨尋蟹動盈萬人  
每歲八月迎濤弄水者悉舉旗幟焉宴宜雲髻  
新梳後曲愛霓裳未拍時太守經年嘲不盡郡  
齋空作百篇詩又寄題餘杭郡樓云官歷二  
十考宦游西湖石岸頭綠觴春送客紅燭夜回  
郭沙隄尾遺愛空知念舊游憑君吟此句題向  
舟不取言東樓南望入韻不厭東南望江樓對  
望濤樓言東樓南望入韻不厭東南望江樓對  
海門風濤生有信天水合無痕鷁帶雲帆動鷗  
和雪浪翻魚鹽聚為市烟火起成村日脚金波  
碎峯頭鈿點繁送秋千里鴈報暝一猿已豁  
煩襟悶仍開病眼昏郡中登眺處無勝此東軒  
閣復長燈夕望雲海東望夕茫山勢川形  
吹古木晴天雨月照平沙夏夜霜能就江樓銷  
暑否比君茅舍校清涼蘇公軾望海樓詩多於  
此樓發之君茅舍校清涼蘇公軾望海樓詩多於  
頭一線來樓前指顧雪成堆從今朝上君須上  
更看銀山二十回橫風吹雨入樓斜壯觀應須

淳祐臨安志卷五

好句誇雨過湖平江海碧電光時掣紫金蛇青  
山斷處塔層層隔岸人家喚欲磨江上秋風晚  
來急為傳鐘鼓到西興又望海樓詩云樓下  
誰家燒夜香玉笙哀怨弄初涼臨風有客吟秋  
扇拜月無人見晚妝沙河燈火照山紅歌鼓喧  
呼語笑中為問少年心在否角巾欲側鬢如蓬  
兩人復登望海樓自和前篇是日勝出余與試官  
非關文字須重看卻被江山未放迴眼昏燭暗  
細行斜考閱精強外已誇明日失杯君莫怪早  
不知安足不成蛇亂山遮繞擁千層睡美初涼撼  
不謦昨夜酒行君屢歎定知歸夢到吳興天  
桂子為誰香倦聽空階夜點涼賴有明朝看潮  
在萬人中巷鬪新妝秋花不見眼紅身看潮  
舟兀兀中空巷鬪新妝秋花不見眼紅身看潮  
載者可以蘇二公詩多敘嬉遊宴樂之事所以  
富庶而土風地名因是朝承平盛時此邦尤為

清輝樓



唐郡守嚴郎中所建見白文公詩序云嚴十八郎中在郡日改制東南樓因名清輝詩云嚴郎制茲樓立名曰清輝未及題花勝遽催還粉闥去來三四年塵土登者稀今春新太守灑掃施簾帷院柳煙婀娜簷花雪霏微看山倚門戶待月闌東扉碧窗夏瑤瑟朱欄飄舞衣燒香捲幙坐風燕雙雙飛君作不得住我來幸因依始知天地間靈境歸有所

### 雲濤觀

在舊治政和元年郡守張公閣既徙巽亭以舊址更造

### 石林軒

在舊治後至和中郡守孫公沔建號燕思閣又

### 淳祐臨安志卷五 古

取臨安縣淨土寺立石七株置之閣前蒼然奇

怪號七賢石元祐中郡守蒲宗孟改名石林軒

### 紅梅閣

舊志云在府治

### 今治續建

### 講易堂

在府治之東紹興十六年府尹張澄建張偁名

為吏隱堂隆興元年陳輝改今名中書舍人張

孝祥書左朝請大夫葛立方撰記記曰文學政事吾夫子異

其科雖由求游夏叵得兼也且事莫夥于官學莫遂于易游刃叢劇之地躋咀奧蹟之境能於

一時相兼而不相廢者夏夏乎其難哉福唐陳公服逢掖時已覃思潔靜精微之教既筮仕靡勞弗宣聲大彰白屬擢二于石若部刺史皆名能官天子知之朝廷夙夜之賢知旋付眾大之區而收焉宜也人之言曰臨安十邑銛箭調辭不知其幾何圓扉鞠域揣髮鬪械者不知其幾何庾帑金穀衍耗出納不知其幾何巨細畢濟會不知其幾何而公以一身分任之無巨細畢濟其必有一其源者余嘗讀三墳之書曰太始之數一為太極極者天地之母也天高地博其數則二謂之大易者天地之變也又嘗讀乾鑿度之書曰易變而為一變為七變為九九者氣變之究乃復變而為一變為二書所言或自一出變或自變而歸一易之道無餘蘊矣脫能執其甚約以攝至煩無惑乎應酬之不匱也意公之所得有在於斯乎下車踰一時教合所孚民大協和比屋至於無吠犬政成矣乃於府治之東為講易堂延龍舒易經師王虛中居之帥子弟從焉蓋欲窮其所未盡也虛中嘗著易論四篇準繫解易二十四卷大率顛以古易正文為

淳祐臨安志卷五

五

主異眾人之所同而味眾人所不味鉤深致遠自得於心又豈如前人之屋下架屋之比哉先治春秋學為四傳辨失左氏正鑑紹興初嘗抱其書質於先人文康公文康深許之需削遺之日遠類康成發公羊之墨守下卑元凱為左氏之忠臣今又得賢主人相依倚以緝熙三聖之傳也陳公字晦叔名輝虛中名日休云紹定壬

辰府尹余公天錫建於故址教授應繇記郡治日

東偏舊有堂名講易案臨安志隆興改元陳公輝因吏隱更名于湖張公孝祥書扁歲久堂圯扁亦莫存獨葛大夫立方所為記碑石尙未泐可考也紹定辛卯冬四明余公天錫以小司徒領尹事時臺省府寺百堵皆作容與辨治汔底于成替年政通仁行寺百堵皆作容與辨治汔底易故基安在吏具自今為武庫及吏人之垣其屋亦老且敗將壓焉乃悉撤去徙庫于衙教場西廡眾議謂宜乃多捐緡錢買旁地故有廢池水泉洌清池之外峙小山石腳插水下割如

天成喬木數十章左右環映扶疎交陰天籟互  
答公出意匠使浚池疏泉輦石增山雜植松檜  
篁竹佳葩名葩以益其勝遂作薰冬日可愛晨  
宏敞深靚前為軒鄉南風之薰冬日可愛晨  
花夕月春麗秋暉時至景換攬挹無盡出簷得  
支徑蛇行斗折一亭負山居然有林壑意少西  
為書室三間亦爽塏明絜皆堂之附庸也于湖  
猶子即之在醴幕公命作三大字揭諸楣又取  
葛碑立前榮于是堂之舊觀盡復矣公領客堂  
上或疑而訟公曰杭大州也自古號東南一都  
會今又為行在所業鉅事叢尹搢搢醉之不  
暇而暇講易乎公笑曰子言過矣易者易也變  
通不窮之謂易易大傳曰易無思也無為也寂  
然不動感而遂通天下之故方吾公退餘閒焚  
香嘿坐萬象森列一真湛如能定而後能應以  
之鏡見事物電掃庭訟要不逃吾方寸之內斯  
吾所謂易者在是象數云乎哉誦說云乎哉昔  
者孟子明王道一語未嘗及乎易先儒謂善用  
易莫如孟氏劉斯立以學易名堂有客問易卦  
六十四今子是學何卦劉子舉手推曰去汝非

淳祐臨安志卷五

六

我同學今吾於此亦云公既以是語客復授簡郡文學使書而記之

簡樂堂

光宗皇帝以青宮判南衙奏疏有訟簡刑清百  
姓和樂之語後二年胡與可知府事乃請

御書簡樂之扁國子司業薛元鼎為記

承化堂

在府治嘉定閒府尹袁公韶建

恕堂

在府治紹定閒府尹余公天錫建

玉蓮堂

在府治教場之西淳祐九年府尹大資趙公與  
憲建規制高壯挹山瞰池爲寮屬會聚之勝十  
一年

上御書玉蓮堂扁題以賜

竹山閣

在玉蓮堂之西竹園山實脈于吳山隱然爲今  
府治之勝勢淳祐九年府尹大資趙公與憲初  
建閣表其上平挹湖山十一年

上御書竹山閣扁題以賜

愛民堂

淳祐臨安志卷五

七

在府治東淳祐九年府尹大資趙公與憲建前  
臨芙蓉池爲議政讞獄之所其明年四月

上御緝熙殿宣引賜

御書愛民篇因名堂以侈

上賜且朝夕

對揚稱承流宣化之意十一年

上御書愛民堂扁題以賜

浙江安撫司

安撫司參議官廳 在軍將橋東

安撫司主管機宜文字廳 在湧金門裏牆下投北

安撫司幹辦公事廳 在開兒頭

莫能名齋記 四年八月朔既領事而宅儼隘陋外

高中卑無宴息之所客至不可留不可奉親  
偶得在官僧屋于寶蓮山之巔帥君雅禮士為  
更其居又使簡惟意規摹之乃創書室于高爽  
之地東江西湖雲山千里幽人騷士來其上無  
不日奇曰壯哉快哉且曰是日不可不命名簡思  
所以名之東望大江巨濤際天越山對揖袞袞  
如畫風帆飛鳥夕陽灑燕朝莫晦明變態百出  
於是間名之乎如命名不惟游逸願迷沈溺  
外景要不可謂真識江山西望錢水玉潔如鏡  
茂林奇峰樓觀輝月煙藹翠蒙模寫不可於是

清祐臨安志卷五

六

間名之乎如此命名不惟游逸願迷沈溺外景  
要不可謂真識湖山之幽微探元珠之杳冥不  
落其外慕窮理窟之百川會同歸宿于中又不  
事理兩融曲暢旁通之無所造為樂亦熙熙於  
則悠然無事惟意所之惟游逸願迷沈溺外景  
是名之乎如此命名不惟游逸願迷沈溺外景  
俱不可謂真識本真周思天下古今名言無一  
可以稱此又豈惟簡莫能名之乎曰  
絕識之士竭意悉慮窮日夜之正恐盡萬古明  
是勝曰莫能名齋然則終不夜之正恐盡萬古明  
有能名之者名齋矣是齋之扶疎微風過之蕭  
然有聲是名齋矣是齋之扶疎微風過之蕭  
號翻空是名齋矣是齋之扶疎微風過之蕭  
飛鳥啼是名齋矣是齋之扶疎微風過之蕭  
萬屋人物往復啾啾碌碌是名齋矣是齋之扶  
日既日莫能名又曰是名齋矣是齋之扶疎微  
簡曰常莫能名又曰是名齋矣是齋之扶疎微  
慈湖先生為浙西撫屬日記此記今六十年中  
更同祿廨舍移于平地景物遷改遺迹亦不可  
復尋三山張君興隆來佐幕府捧檄校文過先

生之里偶得舊本歸以白之帥尹乃命工重刊  
真諸堂上尹於少日嘗登先生之門親承訓誨  
佩服弗忘而張君亦篤學好修之士也相與表  
發此文垂示後學當有領會妙旨于言意之間  
者則先生之心可識矣淳祐癸卯孟冬既  
望湯中謹識張興隆重刊趙與憲立石

安撫司僉廳

在府治西淳祐八年資尹趙與憲重建又劾僉廳  
題名併作文以記于石

點檢所提管廳

點檢所提幹廳

點檢所都錢庫官廳

並在俞家園

淳祐臨安志卷五

十九

點檢所僉廳

在府治西南提領大資趙公與憲新劾

本府都廳

在府治西淳祐六年府尹資政趙公與憲重建

本府當直司

在府治東淳祐六年府尹資政趙公與憲重建

府判南廳

府判北廳

府判東廳

並在府治南

祥符舊經云通判  
舊治有鳳凰亭

簽判廳

察判廳

節推廳

察推廳

並在府治前後

府院

在府治西錄事參軍解舍附

左司理院

在府治東司理參軍解舍附

右司理院

淳祐臨安志卷五

三

在府治西司理參軍解舍附

兩浙轉運司

太平興國三年錢氏納土是年五月丙戌始置轉運使以刑部郎中楊克遜充兩浙西南路轉運使宗正寺丞趙齊副之祠部郎中劉保勳充兩浙東北路轉運使充拾遺鄭遜副之熙寧七年四月癸巳檢正中書刑房公事沈括言欲乞分浙東西為兩浙路轉運使於杭州置司杭蘇湖常秀睦潤江陰八州為浙西路越明台婺溫衢處七州為浙東路 詔從之舊治在震門之北為南

北兩衙今徙於湧金門南為轉運司有寬民堂周咨堂觀風堂仁惠堂振襟堂福星樓

淳祐臨安志卷五

三

轉運司主管文字廳

轉運司幹辦公事廳

紹定中運判趙公汝憚始即司前河濱創二廳

轉運司幹辦公事西廳

在俞家園

轉運司簽廳

在本司內

犒賞所簽廳

在本司內

臨安志卷第五